

**Cogitationes, Sive Considerationes Christianae Pro
singulis Anni diebus**

Complectens Aprilem, Majum, Junium

Nepveu, François

Monachii, 1709

Festum Paschatis. Resurrectio Christi fundamentum est Fidei nostræ.

[urn:nbn:de:hbz:466:1-60514](#)

Christus offerebat in sanguine carnis , Aprilis.
Maria offerebat in sanguine cordis. Bern.

FESTO PASCHATIS.

Resurrectio Christi funda-
mentum est fidei nostræ.

I.

Fides Apostolorum cum eorum Magistri mortua esse videbatur. Nec mirum ; quanta enim fide non erat opus , ut crederent , hominem in cruce mortuum esse Deum ? sed eorum fides cum ipso resurgit. Ipsius ad vitam reditus fuit instauratio fidei illorum , nostræque fundamentum , & eujusdem simul perfectio. Fides in seipso obscura est , sed Christi Resurrectio eam palam facere videtur , dum eam clarissimis , quibus eandem illustrat argumentis , demonstrat , suamque Divinitatem per Resurrectionem suam manifestam reddit. Omnes illi , qui operam suam commodârunt ignominiosis ipsius cruciatis , eandem etiam commodârunt confirmandæ gloriæ , & veritati Resurrectionis ipsius. Pater Æternus , dum angelos misit eam denuntiaturos ; Iudæi appositis ejus tumu-

F 4

lo

88 *Considerationes Christianæ*

Aprilis.

Io custodijs eum in finem, ut discipulis corpus Christi surripiendi præcluderent viam, unāque rumorem, quem de ejus resurrectione sparsuri essent, redderent incredibilem. Discipuli denique fidem Resurrectionis confirmârunt per ipsammet suam incredulitatem; quæ eorum Magistrum impulit ad comprobandam resurrectionis suæ veritatem argumentis tam potentibus, quæ ipsorum incredulitatem persuârint, nostrâmque anteverterint; cùm eorum testimonium tantò plus habeat ponderis, quantò plus in credendo sensere difficultatis.

II. Si Christi Resurrectio argumentis, quæ ipse de ea attulit, evidens facta est, tunc & ejusdem Divinitas per ejus resurrectionem aliquo modo facta est evidens.

B. Cor. 15. *inanis est ergo prædicatio nostra, inanis est fides vestra.* Si verò resurrexit, tunc fides nostra solida, & Evangelij veritas evidens est: is enim si resurrexit, tum Deus est: Nam si spectetur ipsius resurrectio, ut effectus potentiae Patris, ut hominem ad vitam revocantis; filius, qui resurrectionem suam, ut argumentum convincens suæ divinitatis attulit, nisi una & Deus esset, Pater Æternus æquè parum eum in his circum-

cum.



cumstantijs ad vitam revocare potuisset, ^{Aprilis,} quām parūm potest mendacium sua autho-
ritate firmare, quod utique nulla ratione
fieri potest. Si ejus Resurrectio spectetur,
ut effectus propriarum Christi virium, ne-
mo est, nisi Deus, qui seipsum ad vitam
revocare, & in morte ipsa vitæ originem
invenire possit. Imò filius Dei Resurrec-
tionem suam semper attrulit, ut præci-
puum divinitatis suæ argumentum. Cæ-
cutire igitur velle necesse est eum, qui hujus
argumenti evidentiæ submittere se recu-
fat.

III. Si Christum Deum esse non credis,
Christianorum è numero non es, & ob
hoc ipsum jam judicatus es. Si vero Christum
Deum esse credis, fides ipsa te con-
demnabit, idcirco, quod vivas perinde,
ac si id non crederes. Et sanè si potissima
Christianorum pars, Christum Deum esse,
non crederet; si contrarium eis persuasum
esset, possentne aliam vitam agere? Exhi-
berentne minorem Templis, & sacris ejus
mysterijs reverentiam? haberentne mi-
norem axiomatum ipsius rationem, mino-
rem Dei amorem, minorem in ejus cultu
fervorem? minorem gloriæ ipsius Zelum?
haberentne plus horroris, palam profiten-
di, se ipsi addictos esse? erubescerentne

Aprilis.

magis Evangelium? amaréntne magis mundum, quem sciunt Dei esse inimicum? statueréntne sibi, uti faciunt, mundi effatae vitæ suæ Regulas, ejusque æstimationem ambitionis suæ scopum? si non credis Christum Deum esse, an non à fide alienus es? si autem id credis, & vivis quasi non credas, an non insanus es?

Dic Christo cum Patre illo Evangelico: Credo Domine, adjuva incredulitatem meam.

Nam si Crucifixus est infirmitate, sed vivit ex virtute Dei. *2. Cor. 13. 4.*

Dicit Pater ad filium: ego hodie genui te; nunc enim probasti, te esse filium meum. *Ambros.*

FERIA II. PASCHÆ.

Resurrectio Christi spei nostræ incitamentum est.

I.

Christi Resurrectio spei nostræ incitamentum est. Cum ea Resurrectio nostræ argumentum, & pignus sit: si Christus in vitam redijt, ait Apostolus, qui sit, ut homines inveniantur, qui nos resurrecturos negare ausint? Christus Redemptor

no-